0.0.1 bhūmijasuttam

- 1. evam me sutam: ekam samayam bhagavā rājagahe viharati veļuvane kalandakanivāpe, atha kho āyasmā bhūmijo pubbanhasamayam nivāsetvā pattacīvaramādāya yena jayasenassa rājakumārassa nivesanam, tenupasankami. upasankamitvā pañnattena āsane nisīdi.
- 2. atha kho jayaseno rājakumāro yenāyasmā bhūmijo tenupasaṅkami. upasaṅkamitvā āyasmatā bhūmijena saddhim sammodi. sammodanīyam katham sārāniyam vītisāretvā ekamantam nisīdi. ekamantam nisinno kho jayaseno rājakumāro āyasmantam bhūmijam etadavoca: santi bho bhūmija. eke samaṇabrāhmaṇā evamvādino evamdiṭṭhino: āsañcepi karitvā brahmacariyam caranti, abhabbā phalassa adhigamāya. anāsañcepi karitvā brahmacariyam caranti, abhabbā phalassa adhigamāya. āsañca anāsañcepi karitvā brahmacariyam caranti, abhabbā phalassa adhigamāya. nevāsam nānāsañcepi karitvā brahmacariyam caranti, abhabbā phalassa adhigamāyā'ti. idha bhoto bhūmijassa satthā kimvādī kimakkhāyī'ti?
- 3. na kho metam rājakumāra, bhagavato sammukhā sutam, sammukhā paṭiggahitam. ṭhānañca kho etam vijjati yam bhagavā evam vyākareyya: āsañcepi karitvā ayoniso brahmacariyam caranti, abhabbā phalassa adhigamāya anāsañcepi karitvā ayoniso brahmacariyam caranti, abhabbā phalassa adhigamāya. āsañca anāsañcepi karitvā ayoniso brahmacariyam caranti, abhabbā

phalassa adhigamāya. nevāsam nānāsancepi karitvā ayoniso brahmacariyam caranti, abhabbā phalassa adhigamāya. āsancepi karitvā yoniso brahmacariyam caranti, bhabbā phalassa adhigamāya. anāsancepi karitvā yoniso brahmacariyam caranti, bhabbā phalassa adhigamāya. āsanca anāsancepi karitvā yoniso brahmacariyam caranti, bhabbā phalassa adhigamāya. nevāsam nānāsancepi karitvā yoniso brahmacariyam caranti, bhabbā phalassa adhigamāyā'ti. na kho metam rājakumāra, bhagavato sammukhā sutam, sammukhā paṭiggahitam, ṭhānanca kho etam vijjati, yam bhagavā evam vyākareyyā'ti.

- 4. sace kho bhoto bhūmijassa satthā evaṃvādī evamakkhāyī, addhā bhoto bhūmijassa satthā sabbesaṃyeva puthusamaṇabrāhmaṇānaṃ muddhānaṃ maññe āhacca tiṭṭhatīti. atha kho jayaseno rājakumāro āyasmantaṃ bhūmijaṃ sakeneva thālipākena parivisi.
- 5. atha kho āyasmā bhūmijo pacchābhattam piṇḍapātapaṭikkanto yena bhagavā tenupasaṅkami. upasaṅkamitvā bhagavantam abhivādetvā ekamantam nisīdi. ekamantam nisinno kho āyasmā bhūmijo bhagavantam etadavoca: 'idhāham bhante pubbanhasamayam nivāsetvā pattacīvaramādāya yena jayasenassa rājakumārassa nivesanam, tenupasaṅkamim. upasaṅkamitvā paññatte āsane nisīdim. atha kho bhante jayaseno rājakumāro yenāham, tenupasaṅkami. upa-

pts page 139

bjt page 322

saṅkamitvā mama saddhim¹ sammodi. sammodanīyaṃ kathaṃ sārāṇīyaṃ vītisāretvā ekamantaṃ nisīdi. ekamantaṃ nisinno kho bhante, jayaseno rājakumāro maṃ etadavoca: 'santi bho bhūmija, eke samaṇabrāhmaṇā evaṃvādino evaṃdiṭṭhino āsañcepi karitvā brahmacariyaṃ caranti, abhabbā phalassa adhigamāya. anāsañcepi karitvā brahmacariyaṃ caranti, abhabbā phalassa adhigamāya. āsañca anāsañcepi karitvā brahmacariyaṃ caranti, abhabbā phalassa adhigamāya. nevāsaṃ nānāsañcepi karitvā brahmacariyaṃ caranti, abhabbā phalassa adhigamāyā'ti. idha bhoto bhūmijassa satthā kimvādī kimakkhāyīti?

evam vutte aham bhante, javasenam rājakumāram etadavocam: 'na kho metam rājakumāra, bhagavato sammukhā sutam sammukhā patiggahitam. thānam ca kho etam vijjati, yam bhagavā evam vyākareyya: 'āsañcepi karitvā ayoniso brahmacariyam caranti, abhabbā phalassa adhigamāva, āsañca anāsañcepi karitvā avoniso brahmacariyam caranti, abhabbā phalassa adhigamāya. sañcepi karitvā ayoniso brahmacariyam caranti, abhabbā phalassa adhigamāya. āsañcepi karitvā yoniso brahmacariyam caranti, bhabbā phalassa adhigamāya, anāsañcepi karitvā yoniso brahmacariyam caranti, bhabbā phalassa adhigamāva. āsañca anāsañcepi karitvā yoniso brahmacariyam caranti, bhabbā phalassa adhigamāya. āsañca anāsañcepi karitvā yoniso brahmacariyam caranti, bhabbā phalassa adhigamāva. nevāsam nānāsancepi karitvā voniso brahma-

¹mayā saddhim-majasam,syā.

cariyam caranti, bhabbā phalassa adhigamāyā'ti. na kho metam rājakumāra, bhagavato sammukhā sutam sammukhā paṭiggahitam. ṭhānañca kho etam vijjati: yam bhagavā evam byākareyyā'ti. sace bhoto bhūmijassa satthā evamvādī evamdiṭṭhi addhā bhoto bhūmijassa satthā sabbesam yeva puthusamaṇabrāhmaṇānam muddhānam maññe āhacca tiṭṭhatīti.

- 7. kacci bhante, evam puṭṭho evam vyākaramāno vuttavādī ceva bhagavato homi, na ca bhagavantam abhūtena abbhācikkhāmī. dhammassa cānudhammam vyākaromi. na ca koci sahadhammiko vādānuvādo gārayham ṭhānam āgacchatīti.
- 8. taggha tvaṃ bhūmija, evaṃ puṭṭho evaṃ vyākaramāno vuttavādī ceva me hoyi, na ca maṃ abhūtena abbhācikkhasi, dhammassa cānudhammaṃ vyākarosi. na ca koci sahadhammiko vādānuvādo gārayhaṃ ṭhānaṃ āgacchati.
- 9. ye hi keci bhūmija, samaṇā vā brāhmaṇā vā mic-chādiṭṭhino micchāsaṅkappā micchāvācā micchākam-mantā micchāajīvā micchāvāyāmā micchāsati micchāsamādhino, te āsañcepi karitvā brahmacariyaṃ caranti, abhabbā phalassa adhigamāya. anāsañcepi karitvā brahmacariyaṃ caranti, abhabbā phalassa adhigamāya. āsañca anāsañcepi karitvā brahmacariyaṃ caranti, abhabbā phalassa adhigamāya. nevāsaṃ nānāsañcepi karitvā

brahmacariyam caranti, abhabbā phalassa adhigamāya. tam kissa hetu: ayoni hesā bhūmija, phalassa adhigamāya.

seyyathāpi bhūmija, puriso telatthiko telagavesī 10. telapariyesanam caramāno vālikam doniyā ākiritvā udakena paripphosakam paripphosakam pileyya, āsañcepi karitvā vālikam doņiyā ākiritvā udakena paripphosakam pīlevva, abhabbo telassa adhigamāva. anāsañcepi karitvā vālikam doņiyā ākaritvā udakena paripphosakam paripphosakam pileyya, abhabbo telassa adhigamāya. āsañca anāsañcepi karitvā vālikam doņiyā ākiritvā udakena paripphosakam paripphosakam pīleyya, abhabbo telassa adhigamāya. nevāsam nānāsañcepi karitvā vālikam doniyā ākiritvā udakena paripphosakam paripphosakam pileyya, abhabbo telassa adhigamāya. tam kissa hetu: ayoni hesā² bhūmija, telassa adhigamāya. evameva kho bhūmija, ye hi keci samanā vā brāhmanā vā micchāditthino micchāsankappā micchāvācā micchākammantā micchāajīvā micchāvāyāmā micchāsati micchāsamādhino, te āsañcepi karitvā brahmacariyam caranti, abhabbā phalassa adhigamāya. anāsancepi karitvā brahmacariyam caranti, abhabbā phalassa adhigamāya. āsañca anāsañcepi karitvā brahmacariyam caranti, abhabbā phalassa adhigamāya. nevāsam nānāsancepi karitvā brahmacariyam caranti, abhabbā phalassa adhigamāya. tam kissa hetu: ayoni

bjt page 324

²ayoniso hesā-majasaṃ,sīmu.

hesā bhūmija, phalassa adhigamāya.

- seyyathāpi bhūmija, puriso khīratthiko khīragavesī khīrapariyesanam caramāno gāvim tarunavaccham visānato āviñjeyya, āsañcepi karitvā gāvim tarunavaccham visānato āviñjeyya, abhabbo khīrassa adhigamāya. anāsancepi karitvā gāvim tarunavaccham thanato āviñjeyya, abhabbo khīrassa adhigamāya. āsañca anāsancepi karitvā gāvim tarunavaccham thanato āvinjeyya, abhabbo khīrassa adhigamāya. nevāsam nānāsañcepi karitvā gāvim taruņavaccham visānato āviñjevava, abhabbo khīrassa adhigamāva. tam kissa hetu: avoni hesā bhūmija, khīrassa adhigamāva. evameva kho bhūmija, ve hi keci samanā vā brāhmanā vā micchāditthino micchāsankappā micchāvācā micchākammantā micchāajīvā micchāvāyāmā micchāsati micchāsamādhino te āsancepi karitvā brahmacariyam caranti. abhabbā phalassa adhigamāya. āsañca anāsañcepi karitvā brahmacariyam caranti, abhabbā phalassa adhigamāya. āsañca anāsañcepi karitvā brahmacariyam caranti, abhabbā phalassa adhigamāya. nevāsam nānāsancepi karitvā brahmacariyam caranti, abhabbā phalassa adhigamāya. tam kissa hetu: ayoni hesā bhūmija, phalassa adhigamāya.
- **12.** seyyathāpi bhūmija, puriso nonītatthiko nonīta³ gavesī nonītapariyesanam caramāno udakam kalase

pts page 141

³navanīta-sīmu,majasam.

āsiñcitvā manthena⁴ āviñjeyya, āsañcepi karitvā udakam kalase āsiñcitvā matthena āviñjeyya, abhabbo nonītassa adhigamāya. anāsancepi karitvā udakam kalase āsiñcitvā matthena āviñjeyya, abhabbo nonītassa adhigamāya. āsanca anāsancepi karitvā udakam kalase āsiñcitvā matthena āviñievva, abhabbo nonītassa adhigamāva. nevāsam nānāsancepi karitvā udakam kalase āsiñcitvā manthena āviñjeyya, abhabbo nonītassa adhigamāya. tam kissa hetu: ayoni hesā bhūmija, nonītassa adhigamāya. evameva kho bhūmija, ve hi keci samanā vā brāhmanā vā micchāditthino micchāsankappā micchāvācā micchākammantā micchāājīvā micchāvāyāmā micchāsati micchāsamādhino. te āsañcepi karitvā brahmacariyam caranti, abhabbā phalassa adhigamāva, anāsancepi karityā brahmacariyam caranti, abhabbā phalassa adhigamāya. āsañca anāsañcepi karitvā brahmacariyam caranti, abhabbā phalassa adhigamāya. nevāsam nānāsancepi karitvā brahmacariyam caranti, abhabbā phalassa adhigamāya, tam kissa hetu: avoni hesā bhūmija, phalassa adhigamāya.

13. seyyathāpi bhūmija, puriso aggitthiko⁵ aggigavesī aggipariyesanam caramāno allam kaṭṭham sasneham uttarāranim ādāya abhimantheyya⁶, āsañcepi karitvā allam kaṭṭham sasneham uttarāranim ādāya abhiman-

⁴matthena-sīmu,majasaṃ,syā,pts.

bjt page 326

⁵aggitthiko-sīmu,majasaṃ,syā,pts.

⁶abhimattheyya-simu,syā,pts.

theyya, abhabbo aggissa adhigamāya. anāsañcepi karitvā allam kattham sasneham uttarāranim ādāya abhimantheyya, abhabbo aggissa adhigamāya. āsañca anāsañcepi karitvā allam kattham sasneham uttarāranim ādāya abhimantheyya, abhabbo aggissa adhigamāya. nevāsam nānāsancepi karitvā allam kattham sasneham uttarāraņim ādāya abhimantheyya, abhabbo aggissa adhigamāya. tam kissa hetu: ayoni hesā bhūmija, aggissa adhigamāya. evameva kho bhūmija, ye hi keci samanā vā brahmanā vā micchāditthino micchāsankappā micchāvācā micchākammantā micchāājīvā micchāvāyāmā micchāsati micchāsamādhino, te āsañcepi karitvā brahmacariyam caranti, abhabbā phalassa adhigamāya. anāsañcepi karitvā brahmacariyam caranti, abhabbā phalassa adhigamāya, āsañca anāsañcepi karitvā brahmacariyam caranti, abhabbā phalassa adhigamāya. nevāsam nānāsañcepi karitvā brahmacariyam caranti, abhabbā phalassa adhigamāya. tam kissa hetu: ayoni hesā bhūmija, phalassa adhigamāva.

14. ye ca kho keci⁷ bhūmija, samaṇā vā brāhmaṇā vā sammādiṭṭhikā sammāsaṅkappā sammāvācā sammākammantā sammāājīvā sammāvāyāmā sammāsati sammāsamādhino, te āsañcepi karitvā brahmacariyaṃ caranti, bhabbā phalassa adhigamāya. anāsañcepi karitvā brahmacariyaṃ caranti, bhabbā phalassa adhigamāya. āsañca anāsañcepi karitvā brahmacariyaṃ

pts page 142

⁷yehi keci-sīmu,majasaṃ,pts.

caranti, bhabbā phalassa adhigamāya. nevāsam nānāsancepi karitvā brahmacariyam caranti, bhabbā phalassa adhigamāya. tam kissa hetu: yoni hesā bhūmija, phalassa adhigamāya.

seyyathāpi bhūmija, puriso telatthiko telagavesī telapariyesanam caramāno tilapitthim donivā ākiritvā udakena paripphosakam paripphosakam pīleyya, āsañcepi karitvā tilapitthim doniyā ākiritvā udakena paripphosakam paripphosakam pileyya, bhabbo telassa adhigamāya. anāsancepi karitvā tilapitthim doniyā ākiritvā udakena paripphosakam paripphosakam pīlevva, bhabbo telassa adhigamāya. āsañca anāsañcepi karitvā tilapitthim donivā ākiritvā udakena paripphosakam paripphosakam pilevva, bhabbo telassa adhigamāva. nevāsam nānāsancepi karitvā tilapitthim doniyā ākiritvā udakena paripphosakam paripphosakam pīleyya, bhabbo telassa adhigamāya. tam kissa hetu: voni hesā bhūmija, telassa adhigamāva, evameva kho bhūmija, ye hi keci samanā vā brāhmanā vā sammāditthino sammāsankappā sammāvācā sammākammantā sammāajīvā sammāvāyāmā sammāsati sammāsamādhino, te āsañcepi karitvā brahmacariyam caranti, bhabbā phalassa adhigamāya. anāsañcepi karitvā brahmacariyam caranti, bhabbā phalassa adhigamāya. āsañca anāsancepi karitvā brahmacariyam caranti, bhabbā phalassa adhigamāva. nevāsam nānāsancepi karitvā brahmacariyam caranti, bhabbā phalassa adhigamāya. tam kissa hetu: yoni hesā bhūmija, phalassa adhigamāya.

- 16. sevvathāpi bhūmija, puriso khīratthiko khīragavesī khīrapariyesanam caramāno gāvim tarunavaccham thanato āviñjeyya, āsañcepi karitvā gāvim tarunavaccham thanato āviñjeyya, bhabbo khīrassa adhigamāya. anāsancepi karitvā gāvim tarunavaccham thanato āvinjeyya, bhabbo khīrassa adhigamāya. āsañca anāsañcepi karitvā gāvim tarunavaccham thanato āviñievva. bhabbo khīrassa adhigamāya. nevāsam nānāsañcepi karitvā gāvim tarunavaccham thanato āviñjeyya, bhabbo khīrassa adhigamāya. tam kissa hetu: yoni hesā bhūmija, khīrassa adhigamāya. evameva kho bhūmija, ye hi keci samanā vā brāhmanā vā sammādiţthino sammāsankappā sammāvācā sammākammantā sammāājīvā sammāvāvāmā sammāsati sammāsamādhino, te āsañcepi karitvā brahmacariyam caranti, bhabbā phalassa adhigamāya. anāsancepi karitvā brahmacariyam caranti, bhabbā phalassa adhigamāva. āsañca anāsañcepi karitvā brahmacariyam caranti, bhabbā phalassa adhigamāya. nevāsam nānāsañcepi karitvā brahmacariyam caranti, bhabbā phalassa adhigamāya. tam kissa hetu: yoni hesā bhūmija, phalassa adhigamāya.
- 17. seyyathāpi bhūmija, puriso nonītatthiko nonītagavesī nonītapariyesanam caramāno dadhim kalase āsiñcitvā manthena āviñjeyya, āsañcepi karitvā dadhim kalase āsiñcitvā matthena āviñjeyya, bhabbo nonītassa

adhigamāya. anāsañcepi karitvā dadhim kalase āsiñcitvā manthena āviñjeyya, bhabbo nonītassa adhigamāva, āsanca anāsancepi karitvā dadhim kalase āsincitvā manthena āviñjeyya, bhabbo nonītassa adhigamāya. nevāsam nānāsancepi karitvā dadhim kalase āsiñcitvā manthena āviñjevva, bhabbo nonītassa adhitam kissa hetu: voni hesā bhūmija, nonītassa adhigamāva, evameva kho bhūmija, ve hi keci samanā vā brahmanā vā sammāditthino sammāsankappā sammāvācā sammākammantā sammāājīvā sammāvāvāmā sammāsati sammāsamādhino. te āsancepi karityā brahmacariyam caranti, bhabbā phalassa adhigamāya. anāsancepi karitvā brahmacariyam caranti, bhabbā phalassa adhigamāya. āsañca anāsañcepi karitvā brahmacarivam caranti, bhabbā phalassa adhigamāya. nevāsam nānāsancepi karitvā brahmacariyam caranti, bhabbā phalassa adhigamāya, tam kissa hetu: yoni hesā bhūmija, phalassa adhigamāya.

18. seyyathāpi bhūmija, puriso aggitthiko aggigavesī aggipariyesanam caramāno sukkam kaţţham koļāpam uttarāranim ādāya abhimantheyya, bhabbo aggissa āsañcepi karitvā sukkam kaţţham koļāpam uttarāranim ādāya abhimantheyya, bhabbo aggissa adhigamāya. anāsañcepi karitvā sukkam kaţţham koļāpam uttarāranim ādāya abhimatteyya, bhabbo aggissa adhigamāya. āsañca anāsañcepi karitvā sukkam kaţţham koļāpam uttarāranim ādāya abhimantheyya, bhabbo aggissa adhigamāya. tam kissa hetu: yoni hesā bhūmija, aggissa

adhigamāya. evameva kho bhūmija, ye hi keci samaṇā vā brahmaṇā vā sammādiṭṭhino sammāsaṅkappā sammāvācā sammākammantā sammāājīvā sammāvāyāmā sammāsati sammāsamādhino, te āsañcepi karitvā brahmacariyaṃ caranti, bhabbā phalassa adhigamāya. anāsañcepi karitvā brahmacariyaṃ caranti, bhabbā phalassa adhigamāya. āsañca anāsañcepi karitvā brahmacariyaṃ caranti, bhabbā phalassa adhigamāya. nevāsaṃ nānāsañcepi karitvā brahmacariyaṃ caranti, bhabbā phalassa adhigamāya. taṃ kissa hetu: yoni hesā bhūmija, phalassa adhigamāya.

- 19. sace kho tam bhūmija⁸, jayasenassa rājakumārassa imā catasso upamā paṭibhāseyyum, anacchariyam te jayaseno rājakumāro pasīdeyya. pasanno ca te pasannākāram kareyyā'ti.
- **20.** kuto pana maṃ bhante, jayasenassa rājakumārassa imā catasso upamā paṭibhāsissanti. anacchariyā pubbe assutapubbā, seyyathāpi bhagavantanti.
- **21.** idamavoca bhagavā. attamano āyasmā bhūmijo bhagavato bhāsitam abhinandīti.

bjt page 330

⁸sace kho bhūmija-syā,pts.